

Pagsasao a Mori

Iti nalawa a kapanunotanna, ti **pagsasao a Mori** ket ti termino a pangsakup a kolektibo a mangibaga kadagiti dua a pagsasao ti Tengnga a Sulawesi: ti Mori Bawah ken Mori Atas. Sagpaminsan pay a mairamman iti maikatlo a pagsasao ti Padoe.

Pakasaritaan ti termino

Iti kasisigud ti termino a 'Mori' ket mangibaga laeng kadagiti sangkaputotan nga agtataeng iti akinngato a kurso ti Karayan Laa idiay Tengnga a Sulawesi, nga ita nga aldawen ket ti tattao a Mori Atas wenno 'Akinngato a Mori'. Kalpasan ti turay ti Olandes idi nasapa a maikaduapulo a siglo, naipadakkel ti nagan tapno mairaman dagiti tattao nga agtataeng iti agpadaya nga igid ti akinbaba a kurso ti Laa ken iti labneng ti Tambalako (itan ket ti Mori Bawah wenno 'Akinbaba a Mori'), ken dagiti agpaabagatan a tattao iti likmut ti Danaw Matano (mairaman ti Padoe). Uray no dagiti pagsasao kadagitoy a lugar ket sabalida, dagiti tattao ket makibinningayda iti agpapada a kultura, ken iti dayta a panawen naikaykaysada pay babaen ti nabileg nga agturturay a ni Marundu.

Iti agdama nga aldaw, nabaliktad ti kasasaad. Ita nga aldaw ti 'Mori' iti akikid a kaipanunotanna ket kangrunaan a mangibaga iti pagsasao a Mori Bawah, ken naipangpangruna pay iti dialekto a Tinompo iti dayta a pagsasao, nga inpatal-o dagiti kolonial nga agturturay a kas ti pagalagadan iti amin a paset iti lugar.^[2]

Pannakaidasig ken panagtumpong

Iti panagusar ti historikal-komparatibo a pamay-an ti linguistika, impakita ni Mead nga adda maysa a taga-ugma a panagbingay ti pagsasao nga adda iti amin a paset ti lugar ti Mori.^[3] Ti Mori Atas ken Padoe ket as-asidegda a kabagian ti pagsasao a Tolaki ngem isuda iti Mori Bawah, bayata t i Mori Bawah ket makibinningay kadagiti kaasitgan a gupitna iti linguistika iti Bungku ken dagiti sabali a pagsasao iti akindaya nga aplaya ti Sulawesi, a kas iti Wawonii ken Kulisusu. Dagitoy a duog a pannakaigimong ket nalawagda kadagiti tabas iti pannakibingay iti panagbaliw ti uni, ken makitada pay kadagiti agasmang ti pangsandi.

Kas pagarigan, ti sumaganad a tabla ket ilistana dagiti nawaya a pangsandi kadagiti lima a pagsasao.^[4] Makita manipud iti daytoy a tabla a dagiti nawaya a pangsandi ti Mori Bawah ket asideg a maipada kadagiti pangsandi ti Bungku, bayat a dagiti pangsandi ti Mori Atas ken Padoe ket as-asidegda kadagiti pangsandi ti Tolaki.

	Mori
Patubo iti	Indonesia
Rehion	Sulawesi
Patubo a mangisasao	(33,000 ti nadakamat idi 1988–1991) ^[1]
Pamilia	<div>Austronesio <ul style="list-style-type: none"> Malayo-Polinesio<ul style="list-style-type: none">Nuklear a Malayo Polinesio<ul style="list-style-type: none">Celebiko<ul style="list-style-type: none">Bungku–Tolaki<ul style="list-style-type: none">Mori</div>
Kodkodigo ti pagsasao	
ISO 639-3	Agdumaduma: <div> <div>mzq</div> <div>– Mori Atas</div> <div>xmz</div> <div>– Mori Bawah</div> <div>pdo</div> <div>– Padoe</div> </div>
Glottolog	<i>Awan</i>

	Tolaki	Padoe	Mori Atas	Mori Bawah	Bungku
1s	<i>inaku</i>	<i>iaku</i>	<i>iaku</i>	<i>ongkue</i>	<i>ngkude</i>
2s	<i>inggo'o</i>	<i>iiko</i>	<i>iiko</i>	<i>omue</i>	<i>munde</i>
3s	<i>ie'i</i>	<i>umono</i>	<i>iwono</i>	<i>onae</i>	<i>nade</i>
1p excl	<i>inggami</i>	<i>ikami</i>	<i>ikami</i>	<i>omami</i>	<i>mami</i>
1p incl	<i>inggito</i>	<i>ikito</i>	<i>ikito</i>	<i>ontae</i>	<i>ntade</i>
2p	<i>inggomiu</i>	<i>ikomiu</i>	<i>ikomiu</i>	<i>omiu</i>	<i>miu</i>
3p	<i>ihiro</i>	<i>umboro</i>	<i>iworo</i>	<i>ondae</i>	<i>ndade</i>

Dagiti nagibasaran

1. Mori Atas (<https://www.ethnologue.com/18/language/mzq/>) iti *Ethnologue* (Maika nga ed., 2015)
Mori Bawah (<https://www.ethnologue.com/18/language/xmz/>) iti *Ethnologue* (Maika nga ed., 2015)
Padoe (<https://www.ethnologue.com/18/language/pdo/>) iti *Ethnologue* (Maika nga ed., 2015)
 2. Esser, S. J. *Phonology and Morphology of Mori* (<http://www.sil.org/silepubs/abstract.asp?id=928474543176>), translated from the Dutch version of 1927–1933 (Dallas: SIL, 2011), pp. 2 ff.
 3. Mead, David. Proto-Bungku-Tolaki: Reconstruction of its phonology and aspects of its morphosyntax. (PhD dissertation, Rice University, 1998) p. 117
 4. Mead, David. Proto-Bungku-Tolaki: Reconstruction of its phonology and aspects of its morphosyntax. (PhD dissertation, Rice University, 1998) p. 145
-

Naala manipud iti "https://ilo.wikipedia.org/w/index.php?title=Pagsasao_a_Mori&oldid=342537"

Daytoy a panid ket naudi a naurnos idi 14 Septiembre 2019, 05:50.

Ti teksto ket magun-od babaen ti Lisensia ti Creative Commons Attribution-ShareAlike; dagiti mainayon a termino ket mabalin pay a maipakat. Kitaen dagiti Termino ti Panagusar para kadagiti salaysay.